

Allannguutissatut siunnersuut

uunga

Uunga siunnersuut: Siusinaartumik pensionisiat pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2018-imeersoq
(Oqaatsitigut naqqiutit)

Pingajussaaneerreqarnerani Naalakkersuisunit saqqummiunneqartoq.

§ 1-imut

1. Nr. 2-mi § 29 ima oqaasertalerneqassaaq:“ **§ 29.** Inummut tapit kommunalbestyrelsimit akuersissutigineqartarput inuit ataasiakkaat pisariaqartitaat nalilersuiffigineqareernerisigut soorlu imaattut:

- 1) ingerlaavartumik pisartakkatut sivisunerpaamik ukiumut ataasiakkaarlugit aalajangersarneqartunik, imaluunniit
- 2) immikkut pisariaqartitat matussuserniarlugit ataasiarluni ikiorneqarneq, ilaatigut makkununnga:
 - a) isarussat,
 - b) atisat,
 - c) pequtit,
 - d) Kalaallit Nunaata iluani angalanermut aningaasartuutit naleqquttut, aamma
 - e) ataasiaannarluni aningaasartuutit allat pisariaqartutut naatsorsuutigineqartut.

Imm. 2. Kalaallit Nunaata avataanut angalanerit ataasiartumik ikiorsiissutitut tunniunneqarsinnaangillat.*Imm.3.* Inuttut tapit utertillugit akileqquneqarsinnaapput:

- 1) illersorneqarsinnaangitsumik aningaasanik aqutsinerlunneq pissutigalugu inuttut tapit tunniunneqarpata, imaluunniit
- 2) siusinaartumik pensionisiaqartoq inuttut tapinik pisartagaqartoq kingusinnerusukkut aningaasanik piffissamut pineqartumut inuttut tapinik assinganik siunertaqartumik pissarsisimappat.

Imm. 4. Utertillugit akileeqqusineq aatsaat piumasarineqarsinnaavoq siusinaartumik pensionisiaqartumut tapinik aningaasaliissuteqarnermut atatillugu utertitsisussaataitanermik ilisimatitsisoqarsimappat.*Imm. 5.* Siusinaartumik pensionisiaqartumut Kalaallit Nunaata avataani aalajangersimasumik najugaqartumut inuttut tapit tunniunneqassangillat.*Imm. 6.* Inuttut tapit pillugit Naalakkersuisut malittarisassanik ersarinnerusunik aalajangersaasinnaapput.”

Siunnersuummut oqaaseqaatit

Nalinginnaasumik oqaaseqaatit

Inatsisissatut siunnersuummi kalaallisoortaata qallunaatoortaatalu assigiinnginneri paasineqarsimanera tunuliaqutaralugu allannguutissatut siunnersuut saqqummiunneqarpoq.

Siunnersuutip kalaallisoortaata qallunaatoortaatalu oqaatsitigut taamaalillutik erseqqissuunissaat siunnersuummi qulakkeerneqarnissaa siunertarineqarpoq.

Siunnersuutip qallunaatoortaani allanngortoqannginnissaa allannguutissatut siunnersuutip kingunerivaa.

Siunnersuummi aalajangersakkanut ataasiakkaanut oqaaseqaatit

Nr. 1-imut

Allannguutissatut siunnersuutip kalaallisoortaani § 1, nr. 2-imi, § 29, imm. 2-mi oqaasertaliunneqartussatut siunnersuutigineqartut naqqippai.

Siusinaartumik pensionisiallit Danmarkimut nunanulluunniit allanut angalanissanut inunnt tapinik tunneqarnissaat inatsisitigut tunngavissaqanngitsoq, aalajangersakkap siunertaraa aalajangissallugu, taamaallaat allatigut pissut pissutigalugit akuersaarneqarsinnaappat, Kalaallit Nunaata iluani tunineqarsinnaapput.